


# SELALELO

 . . .mo mogolong wa ka go tšwa go tše mmalwa, ditirelo tše lesometlhano go tšwa ka Arizona. Re bile le nako ya go makatša. Morena Jesu o nno re šegofatša gagolo, ka kudu. Ba lekile go šoma sela feela gannyane nthatana sa leano la Morena, ke tshepa se, seo e tla ba tsela thwi go e bea, go ya ka gare le go gotetša lefelo, pele. Ke ile ka gare matšatši a mmalwa pele ga nako, ke bile le ditirelo tše lesome goba tše lesomepedi ka go dikereke tšohle tše kgolo bogolo ka kgabaganya Phoenix, Sunnyslope le Tempe le Mesa le tlase go kgabola fale, le mohuta wa go go e gotetša gohle go dikologa gomme morago go e hlahlela gohle go mašego a mahlano a khonferense. Gomme e bile khonferense ye kgolokgolo re bilego le yona ka Amerika Leboa. E bile ye kgolo. Difihlolo tše kgolokgolo, le—le gape mo—mo mokete bošegong bjoo.

<sup>2</sup> Ke no se kgone go bolela ke ba bakae bontši bao ba amogetšego Moya wo Mokgethwa. E bile—e bile go gogolo ka ba bakae bao ba amogetšego Moya wo Mokgethwa, le ke ba bakae ba fodilego le—le go phološwa, go—go bile go makatša. Kafao re leboga Modimo ge re bona nako e sepelela godimo. Monna ba bantši ba bagolo ba tlile ka gare. Yo mongwe wa . . .

<sup>3</sup> Se se tla dira Ngwanešu Neville botse kudu. Ke bone modiredi wa Mopresbyterian, go tšwa go Kholetšhe ya Presbyterian ye kgolokgolo ka go . . .ka setšhabeng se, a bina ka Moya. Oo, nna, ka kgonthe e bile se sengwe, o amogetše Moya wo Mokgethwa. Gomme morago o mpoditše, o rile, “Ke ne ye nngwe ya ditheipi tša gago.” O rile, “E be e se gabotse kudu.” O rile, “E no ba mohuta wa go tabogana, eupša,” o rile, “ke e išitše thwi ka kholetšheng ya ka gomme ke e bapetše.” Gomme o rile . . .Go beng monna yo mogolo wa saekolotši fale, o ba homoditše bohle. “Gabotse, ba swanetše go O kwa gatee, go le bjalo,” o boletše. Gomme o rile o bile le . . .

<sup>4</sup> Gomme o rile o bile go bina ka Moya ka kerekeng ya gagwe, ka morago ga ge a amogetše Moya wo Mokgethwa, gomme ba rile, “Moruti, o ya neng go ithuta moragelo wo moswa?”

<sup>5</sup> O rile, “Ge phuthego ya ka e ithuta wo.” Ke naganne seo se be se le gabotse gabotsana, le a tseba, maemotatelano a Presbyterian, ee, o rile, “Ge phuthego ya ka e ithuta wo.” Kafao seo ke selo se sebotse. Go no swana le lesea le lennyane, feela le leswa gomme efela o bile le . . .Gabotse, le tseba se a swanetšego go ba, go ba profesa ya saekolotši ka go Kholetšhe ya Presbyterian ye kgolokgolo ka Boston, gabotse, e ka go United States.

<sup>6</sup> Ke bone yo mongwe wa hlogo ya dingakababui ba pelo ba Mayo a rera Ebangedi ka Moya le go bolela ka maleme. Oo, nna! Ke bone ngakamakgone yo mongwe, e bego e le Moseventh-day Adventist, go tšwa go . . . O be a le nga—nga—nga ngakamakgone go pelo le mogolo gape, gomme yena, mokgalabje, o amogetše kolobetšo ya Moya wo Mokgethwa. O O amogetše. Bošego bjo bongwe ke beile diatla go yena godimo ka go dikgorotsheko, gomme o amogetše Moya wo Mokgethwa. Kafao re . . . feela dilo tše dintši bjalo tšeo Morena a di dirilego tšeo re di lebogelago, gomme ka go ikgetha go boneng mo nakong ye.

<sup>7</sup> Kagona ke rile go bona, “A le lemoga ye ke iri efe ge kgarebe ya go robala e thoma go kgopela oli?” E be e le nako yeo Monyadi a tlilego, gomme batho, Bao ba lego komana ba tsene ka gare. Oo, ke thakgetše bjang go tseba gore re phela fa mo matšatšing a mafelelo. Le a bona? Ke a dumela gore re phela ka go nako ye nngwe ye kgolokgolo yeo lefase le kilego la e tseba, feela pele ga go Tla ga Morena. A seo ga se makatše? Naganang, gore bontši nako efe kapa efe bjale, Lengwalo lohle le no nyakile le phethagala! Gomme kafao re Mo letetše mo nakwaneng ye nngwe le ye nngwe. Gomme re swanetše go phela ka tlase ga mohuta wola wa ditetelo, gore, feela nako efe kapa efe e ka direga. Ebang thapelong, komana!

<sup>8</sup> Ka go dipotšišotherišano lehono, nna, o tee, ke kopane le moromiwa go tšwa Formosa, mosadi wa mogale, bogolo bja mengwaga ye masomešupa tharo, gomme a ka swanelwa ke go ba e ka ba masomenne tlhano. Gomme o sa le mo—mo Mohumagatšana, gomme o swanetše go be a bile mothepana yo mobotse. Gomme o rile o godišitšwe ka lapeng la Bakriste moo “ee” e rilego ee, gomme “aowa” e rilego aowa. Gomme o tla godimo ka tlase ga thuto yela ya go tia. Gomme o rile, “Ngwanešu Branham, ka bogolo bja e ka ba, oo,” o rile, “e ka ba bogolo bja mengwaga ye seswai, ke naganne ke neetše bophelo bja ka go Morena Jesu.” O rile, “E ka ba bogolo bja mengwaga ye lesomepedi, ke ile ka goketšwa ke modireditsoko wa kereke ya leina, gore ke swanetše go hwetša tšhegofatšo ya bobedi,” gomme o rile, “gomme ke ile ka forwa ka go yona gampe.” Eupša o rile, “E ka ba bogolo bja mengwaga ye lesomešupa, ka kgonthe ke amogetše Moya wo Mokgethwa.” Gomme o morago fa bjale go leka go phafoša tše dingwe tša dikereke tše di robotšego tša Baptist. O rile ge—ge nkabe go bile le e ka ba eng yeo a e bonego e “hwile,” yena ke Mobaptist yenamong, o rile, “ke dikereke tše di hwilego tše tša Baptist morago fa.” O di biditše “mebušara.”

<sup>9</sup> Ke rile, “Gabotse, ke a thanka ge o le ntweng. . .” Ke a nagana bjale o . . . Nno naganang, nna, masometlhano pedi, o be a le ntle bjalo ka moromiwa pele ga ge ke belegwa. Gomme gona ke a nagana ke be ke tšofala kudu mo tšhemong. Gomme ke a nagana, “Nna, ntshwarele, Morena.”

<sup>10</sup> Gomme yena, o gabotse, feela go phadima le bohlafe bjalo ka ge a ka ba. Gomme nako yeo a mpoša maitemogelo mo tseleng, le ka fao gore Ebangedi e be e hlokwa ka Formosa le—le China, le Japane, le go ya pele. Kafao ba mo rometše morago go tšwa tšhemong, ba rile, “O ka se kgone go ya tšhemong ka morago ga ge o fetile masomešupa, le a tseba.” Kafao ba mo rometše morago. Eupša ga a ye go homola, o ya go dikhonferense tšohle tše tša Baptist. Gomme o rile, “Billy Graham,” o rile, “ka tsela ye a bego a swere molaetša wa Baptist, o be a le morwalo go kereke ya Baptist.” O rile, “Ga a ba iše kgole go lekanela go hwetša Moya wo Mokgethwa,” o boletše. Oo, kgaetšedi, o dule thwi le yeo. Yeo e lokile. O rile, Machina ale morago fale, o rile a ka se no ba lesa ba no ya mmogo le go re, “Re dumela Jesu Kriste.” O rile, “Seo se be se lokile,” eupša o rile o ba dirile ba dule fale go fihla se sengwe se direga, gomme kagona ba ba Bakriste ba kgontho.

<sup>11</sup> Ke rile, “Yeo ke tsela ye e yago, kgaetšedi. Nno ba botša, ba dire ba dule go fihla se sengwe se direga.”

<sup>12</sup> Go ka reng ge baapostola ba ka be ba rile, bjale, ka morago ga matšatši a senyane, “Re dumela gore re O hweditše, le a bona, a re no O amogelang ka tumelo gomme re ye pele ka mošomo wa rena.” Le a bona, go ka be go sa nke gwa šomega. Ba letile kua go fihlela ba tsebile gore se sengwe se diregile. Gomme seo ke se e lego bothata ka rena leono, ga re dule botelele go lekanela. Gabotse, ke lebaka leo ka morago re kgona go no phela mohuta e ka ba ofe wa bophelo, ra dira e ka ba eng, ga go re tshwenye, ka gobane ga re dule fale botelele go lekanela. Leono re tsene, gosasa re tšwile, le ka tsela *ye* le ka tsela *yela*. Ge re ka dula botelele go lekanela go fihla le tsena ka gare gomme la tswalela lebati ka morago ga lena, le ya go dula fale gona. Le tswaleletšwe go fihlela letšatši la lena la topollo. Ke thabetše seo kudu.

<sup>13</sup> Gomme re bile le nako ye kgolo, bjalo ka ge ke boletše, ka Phoenix le go kgabola moedi le ba bantši ba Bakriste fale, bontši bja bona ba swareletše ka bophelo bja go ratega.

<sup>14</sup> Ke ile godimo ka Thaba Borwa, mosadimogatša morago fale, le nna. Letšatši le lengwe Ge . . . bagwera . . . Ngwanešu wa ka Doc o hlokometše basetsana ba babedi, gomme—gomme Ngwanešu le Kgaetšedi Wood ba hlokometše mošemane, gomme nna le mosadimogatša wa ka re bile le hanimune ya bobedi. Gomme o rile, “Bill, o a tseba, ye e bile hanimune kudu go phala ya mathomo.” O rile, “Lekga la mathomo re ile go hanimune, selo se nnoši ke se dirilego e bile go dula ka kampeng le go go leta go tla ka gare go tšwa go tsomeng,” o boletše.

<sup>15</sup> Ke bile mohuta wa go šomiša leano le lennyane, le a tseba. Ke naganne, “Gabotse, bjale, ga ke ne tšhelete ye ntši.” Ke e bolokile ka gare ga kotikoti ya puere ya go paka, go lekanela go ya leetong la go tsoma, gomme efela ke be ke eya go nyala lehlaluleng leo. Kafao ke naganne, “Nno e dira yohle mmogo,”

le a tseba. Gomme—gomme ge ke be ke eya leetong la go tsoa, e tla ba hanimune, le a tseba, gomme kafao re patagantšhitše. Eupša nako ye re e lefeletše gomme ka kgonthe re tšwetše ntle, gomme, gobaneng, re bile le nako ye kgolo.

<sup>16</sup> Gomme ba bantši ba bona ba tšwa tabarenekeleng fa. Ke a dumela Ngwanešu Sothmann, lapa la gagwe le morago fale, le Ngwanešu Tom Simpson le bona, le Ngwanešu Maguire, gomme bohle re bile le dinako tše kgolo ka go Morena.

<sup>17</sup> Gomme kafao re ile godimo go Thaba Borwa, ye e no go ba borwa bja Phoenix, gomme ra ba kgole le kgatelelo yela. Uh! Kgatelelo ka go toropokgolo ya sebjalebja! Ga go makatše ge batho ba thoma go ata godimo ga lefase, sebe, gomme dikgaruru di a tseba. Gomme ke lebeletše godimo fale, gomme re dutše godimodimo gore re kgone go bona moedi wa Phoenix, ke rile go mosadimogatša, “Ke a makala ke makga a makae, ge e sa le re be re dutše fa mo metsotsong ye lesometlhano, gore Leina la Morena le tšerwe ka lefeela ka go toropokgolo yela?” Hmm?

<sup>18</sup> E ka ba, gabotse, ka go naga ya motsesetoropo, go tšeeng Tempe le—le Sunnyslope, le go kgabola fale, ke a eleletša go ne batho ba milione thwi ka go moedi wola. Ke rile, “Mengwaga ye makgolotharo ya go feta go be go se selo eupša dikgopha le dikhoyote fa. Gomme ka kgonagalo, mo pele ga Morena, go tla ba kaone go ka be go le morago go swana le seo.” Yeo ke nnete. Le ge toropokgolo ye kgolo—ye kgolo yeo ba e agilego fale, le magae a mabotse le go ya pele, ke go go botse. Eupša go tla ba gabotse, go tla ba kaone ge monna le basadi ba be ba sepela godimo le fase mekgotheng ka diatla tša bona godimo moyeng, ba tumiša Modimo le go Mo leboga. Eupša, sebakeng sa seo, ke go rogana, go tšwela pele, go nwa. Nno tlogela tlhabologo e tsene, gomme bobe bo fao.

<sup>19</sup> Ke rile, “Ke mabootswa a mantši bjang a dirilwego mantšiboeng a go feta, bošegong bja go feta ka go toropokgolo ye! Ke ba bakae ba tagilwego! Ke malapa a makae. . . Ke dilo tše kae—tše kae tša go aroga di dirilwego ka go iri ya go feta, ka go toropokgolo ye!”

<sup>20</sup> Gomme mosadimogatša o rile go nna, o boletše nako yeo se sengwe boka se, bjalo ka ge ke naganne, “Bohlokwa bja go tla mo gona e tla ba eng? Gobaneng o tlogile gae go tla fa?”

<sup>21</sup> Nako yeo ke rile, “Sese se se lego. Ka morago ga tšohle tša tšela, tše ka nnete ka bontšing, eupša go ne bonnyane bjo bonnyane tlase fale. Ke dithapelo tše kae tša go botega di ilego godimo mantšiboeng a go feta tlase fale, go no tla pele go tirelo?”

<sup>22</sup> Gomme O bile go loka kudu go rena gore kereke e bile go kgopelana pele ga tšatšanasobela, gore o be o sa kgone go tsena ka dijarateng go dikologa lefelo. Gomme yona mekgatlo le go ya pele, gomme Morena o tšholletše ntle Moya wa Gagwe le go ba šegofatša. Gomme ga se nke ka swara mehlatloša ye e rilego,

ke nno tšwelapele ke itia mehlatloša thwi go Ebangedi. Gomme dinako tše dingwe, ka nnete, go makgwakgwa gabotse, eupša ke tsela e nnoši ke e tsebago. Go makgwakgwa ka fa. Kafao go ya go ba makgwakwanyana mo Setulong sa Kahlolo moo re swanetšego go emelana le yona. Kafao, gohlegohle, e be e le selo sa go taga. Gomme re nyaka go leboga kereke fa go re rapelela le go swarelela, le—le go re boloka kgauswi le sefapano.

<sup>23</sup> Gomme bjale go boeng gae gona, ka fale, gomme nkabe ke tlile tlase mosong wo mohlomongwe go rapelela ba bangwe ba balwetši. Ke ne bontši bja dipolelonyakišišo tšeo di letilego, dikheisi tšeo tše dingwe tša tšona ke bile go tšona matsatši a mmalwa a go feta ge e sa le ke le fa, di be di letile kgwedi ge e sa le ke sepetše. Kafao ba leka go tsena go bona feela ka lebelo ka fa ba kgonago, go ba tliša go tšwa mafelong a go fapano moo ba hweditšwego.

<sup>24</sup> Morena ge a rata, mo dibekeng e ka ba tše pedi gape, ke ya Tucson, fao ke tlase karolo ya tlasana. Gomme bjale borakgwebo nakong ye, gore le kgone go rapela ye . . . Ga se nke ka rata go dira e ka ba eng go fihlela pele ke dumela ke thato ya Morena. Bjale, khonferense ya go latela e tla godimo ka Modesto gomme morago go tloga fao go ya Washington, naga, Washington, le Zurich, morago Palestina, gomme morago Afrika Borwa. Gomme tšeo tšohle di direga magareng ga bjale le June. Gomme ke menngwe go ba seboledi go dikhonferense tše tšohle. Gomme go ka no mpha monyetla go tsena ka Afrika Borwa gape. Pitšo ya bona, dikgwedi tše dingwe le tše dingwe re hwetša ditaletšo. Eupša ge e tee . . .

<sup>25</sup> Go ne karogano e kgolo ka dikerekeng, dikereke tša Pentecostal. Gomme ge o eya go lehlakore le letee, le lengwe le ka se be le selo go dira le yona. Gomme ba ka se dirišane mmogo, kafao ke nno emela morago bjale lebaka la e ka ba mengwaga ye mehllano le pitšo ka pelong ya ka go ya. Gomme bjale, mohlomongwe ge borakgwebo ba ka ntliša ka gare, fela go lekanela go ka hloma, seo ke go tšwa mahlakoreng bobedi, le a bona, gomme seo se ba dira bohle go tla mmogo. Bohle ba swanetše go tla le go dirišana ka go seo ka gobane tlhokego ya ditšhelete ya tša bona—tlhokego ya dikereke tša bona e fale, kafao ba swanetše go tla go tloša hlong ya bona, le a bona. Kafao mohlomongwe e ka no ba thato ya Morena, go le bjalo, ga ke tsebe. E kwagala gabotse, eupša ga ke tsebe.

<sup>26</sup> Gomme kagona, ngwageng wo, Ngwanešu Borders o mpha lenaneotukišetšo goba ditaletšo. Gomme, ka go botega, e be e le puku makga a mabedi bokoto *bjoo* yeo e tlogo ge e sa le Krisemose ya go feta, ya ditaletšo go dikologa. Ke bontši kudu go mogopolo wa motho go leka go e rarolla, kafao ga se ke tšee efe ya tšona. Ke no ya go tšea kopano e tee, le go leta le go bona moo Morena a mpotšago go ya go tloga fao, kagona ke tla ya go

latela, gomme morago ya go latela, le e ka ba kae A mpotšago go ya. Kafao, le nthapeleleng.

<sup>27</sup> Ke elelwa ngwaga wa go feta, tlase le Ngwanešu. . . goba ga Kgaetšedi Cox tlase fale, ge Ngwanešu Arganbright a mpiditše go ya leetong godimo ka Anchorage. Go ka reng ge nkabe ke ile ka ya go leo feela ka go tšea o ka re gore go be go lokile?

<sup>28</sup> Bjale, ke be ke nagana ka seo, *go tšea o ka re*, ke rerile ka thuto ya seo. Ke boletše ge ke be ke eya ntle fale, ke boditše bašemane ba theipi, “Le se tšee ditheipi. Le se ye ntle bakeng sa ditheipi, ke ya go rera ka dithuto tša go swana ke dirilego fa.” Ke a nagana ke rerile e tee yeo ke e dirilego fa, ka moka ga tšona di be tšohle di le tše mpsha. Gomme Ngwanešu Maguire o di tšere, tšohle tša tšona.

<sup>29</sup> Go tšea o ka re. Kafao ge nkabe ke ile ka ya, *ke tšea o ka re* godimo fale, go ka be ka kgonthe go bile go fapana go feta ka fao go bilego, pono e ka be e se ya phethagatšwa. Eupša pono e a phethagatšwa, gomme bohle le lemoga seo, ka fao Morena a ilego a šegofatša.

<sup>30</sup> Bjale, go ne selo se sengwe seo se bilego mo pelong ya ka nako ye telele. Kereke, e rapedišeng. Lena batho bohle fa le a tseba gore ge e sa le ke le mošemane yo monnyane ga se nke ka ke ka kgotsofale ka nageng ye. Pelo ya ka yohle ka mehla e hlologetše Bodikela. Gomme ke gopola ge ke kotela mmatswale wa ka bjang godimo fale ka lefelong le lennyane leo le bego. . . le be le le la kereke fa, lefelo leo. Ke be ke dutše mo ditepising, gomme Moya wo Mokgethwa o boletše le nna, O rile, “Nka se go šegofatše go ya pele go fihlela o Nkobamela ka go tlala, boka Abraham.” Le a bona? Gomme, Abraham, Modimo o mmoditše go ikaroganya yenamong le go ya go yenamong. Gomme, ge a dirile, o tšere mmogo le yena tate wa gagwe, motlogolo wa gagwe. Gomme go fihlela Abraham a obametše Modimo moka, gona go bile le go phethagatšwa gwa go tlala ga se Modimo a mo tshepišitšego. Gomme lerala, le lengwe la lerala legolo leo le ntle milego fa, e be e le mme wa ka. Le tseba seo. Gomme bjale mme o sepetše go ba le Morena Jesu. Gomme ga—ga ke tsebe ke tsela efe go tepogela, ke dire eng, kafao le nthapeleleng.

<sup>31</sup> Bjale, Ngwanešu Neville, ke sepeletše ntle godimo ga sefala, ke naganne, “Gabotse, ke tla ya ntle fale.” Yo mongwe o kopane le nna gomme o rile, “Nna, ba ne bontši bja tirelo ye kgolo bošegong bjo.” O rile, “Ba ya go ba le tirelo ya go rera, tirelo ya moopelo, tirelo ya thapelo, gomme morago go tšea koleke, gomme gona ba rile ba ne—ne selalelo sa go hlapišana leoto, le tirelo ya kolobetšo.”

<sup>32</sup> Ke naganne, “Ngwanešu wa go šokiša! Nna! Nna, tšohle tšela, ke tseba se di lego, ka kgonagalo ka morago ga go rera thata mosong wo.” Bjale, ke naganne, “Ke tla ngwegela godimo fale, mohlomongwe o tla nyaka ke fe selalelo.”

33 Gomme o rile, “A o tla re bolelela bošegong bjo ge o ikwela go hlahlwa?” Kafao ke tseba se seo se se rago. Kafao gona ke ile morago le go hwetša Lengwalo fa le go hwetša dinoutso di se kae, gomme mohlomongwe Morena o tla nthuša go fihliša feela Molaetša wo mokopana wa e ka ba diiri tše nne, gomme morago re tla ba le go hlapišana maoto ga rena—ga rena, gomme morago selalelo. Gomme gona, gomme, oo, ke, mohlomongwe ke tla fetša pele ga nako yeo. Aowa, ke be ke no le goka. E ka ba masomepedi, metsotso ye masometharo, gomme morago re tla ba le ya kolobetšo, maoto- . . . Ke eng e latelago se, selalelo? Selalelo se latela se, morago tirelo ya kolobetšo.

34 Bjale, re thabile gore le ya go kolobetšwa. Bjale, ge Modimo a rata gomme seo se Mo kgahla, gomme go lokile le modiša le batho, Lamorena la go latela mosong ke tla ba tlase go rapelela balwetši, le go bolela, ge Morena a rata, Lamorena le le tlogo le, gobane ke mohlomongwe Lamorena la go latela ke tla be ke ile gape gona. Gomme bjale ge ke le ka gare, ke rata go tla ka gare le—le go bolela fa, gobane re mohuta wa go dirišana mmogo bjalo ka baena, gomme Ngwanešu Neville le nna fa, gomme re—re a ratana, gomme re—re—re nyaka go dula kgauswi le go thušana bjalo ka . . .

35 Se se kwagala go nyefola, eupša ke a holofela ga se kwagale ka tsela yeo go lena, Mna. Cory o rile nako ye nngwe, o . . . Ke be ke le ka go lesolo la lebone, ke rekišetša khamphani diklupu. Gomme o rekile bontši kudu bja diklupu tše di tla mo lotago lebaka la mengwaga ye mene goba ye mehllano, ke retologile go dikologa gomme ka reka Ford go tšwa go yena. O rile, “Billy, ke a dumela re no ba le go ngwayana mokokotlo.” Kafao seo ke, gabotse, feela mohuta wa go thušana mo nakong ya tlhoko. Kafao yeo ke—yeo ke nnete. Re tseba ka fao go tla go akgolana le go thušana.

36 Bjale, a re yeng go karolo ya go hlokofera ya yona bjale, gomme ge ke sa phoše, ke a dumela ke bona Ngwanešu Beeler morago fale ka morago, ngwanešu modiredi yo mongwe. Gomme lehono ge ke feta kgauswi, Ngwanešu Junie Jackson o be a eme ntle fa ka jarateng le Ngwanešu Creech. A ba ne tirelo fa dinako tše dingwe? Tirelo ya kolobetšo, ke a bona. Go lokile, re ka fana ka meetse ge ba ka tliša mokolobetšwa. Re—re ne meetse, a lokile.

37 Kafao bjale, go beng gore re ya go ba le selalelo, ke naganne go tla ba gabotse ge nka bolela ka selalelo feela lebaka la metsotso e se mekae.

38 Bjale, pele re batamela Lentšu, a nke re beele ka thoko se sengwe le se sengwe bjale, le ditsela tšohle tša rena tša bjana le bogotlane, gomme—gomme re batamele ka go Bogona bja Modimo ka thapelo. A re rapeleng. Bjale ka dihlogo tša rena di inamišitšwe, gomme ke a tshepa dipelo tša rena gape, ge go ne

kgopelo ka fa yeo e ka go . . . le tla ratago e dirwa go tsebja go Modimo, gomme le tla rata go nna go le gopola pele ga Modimo, a le ka no e dira e tsebje ka go phagamiša seatla sa gago go Modimo. Modimo efa kgopelo ya yo mongwe le yo mongwe.

<sup>39</sup> Ramaatlakamoka Modimo, Tate wa Morena wa rena Jesu Kriste, Yo a Mo tsošitšego go tšwa bahung le go Mmea ka seatleng se setona sa Borena, ka mehla go phela go dira poelano godimo ga dilo tšeo re dumelago gore O re diretše, le go e dumela go ba bjalo. Re a rapela Morena Modimo, gore bošegong bjo, gore O tla re le balela dibe tša rena. Oo, re nyaka go dula ka tlase ga Madi ka dinako tšohle, ka gore ga re tsebe feela se se ka diregago. Dilo tšohle di kgauswi le go fetšwa, re a ikwela, Morena, gore go tla ga Morena go batametše. Gomme re itokišetša go tšea leeto. Gomme ge re nagana ka leeto, re ka nagana ka disutukheisi, le—le diaparao tša tlaleletšo le dieta tša tlaleletšo. Eupša go fapana bjang go tloga go leeto le! Ga se go phuthaphutha; ke go phutholla, go beela thoko. Bjalo ka mohlanka wa Gago yo mogolo, Paulo, a boletše ka Pukung ya Bahebere, tema ya 12, “Re beela ka thoko boima bjo bongwe le bjo bongwe le gosedumele bjo bo re nyamišago ga bonolo bjalo, gore re ke re kitime ka go se fele pelo lebelo leo re le beetšwego pele.”

<sup>40</sup> Gomme re ka se kgone go profeta bjale ka ga dilo tše botse go lefase le la sebjalebjale le. Selo se nnoši se re kgonago go profeta ka Moya ke kotsi, mathata, ditšhišinyego tša lefase, maphoto a magolo, letšatši le ngwedi di šitwa, kereke ka go lebaka la Laodikia, Kriste ka ntle ga lebatl, a kokota go tsena. O Modimo! Feela bjalo ka Mika wa bogologolo, o be a ka kgona bjang go šegofatša Ahaba mola seprofeto se be se le kgahlanong le yena? Ge moprofeta yola yo mogolo yo maatla, Eliya, o sepeletše godimo go yena, gomme ka gobane o be a tšere bophelo bja monna wa go se be le molato, Nabote, kafao o rile, “Dimpša di tla latswa madi a gago.” Gona Mika a ka kgona bjang go profeta dilo tše dibotse?

<sup>41</sup> Bana ba lehono ba go tlala ka Moya ba ka kgona bjang go profeta botse go ba sebe, batho ba go fapana bao ba raketšego Morena ka ntle? O Modimo, re bona feela go galaka ga kahlolo kua pele. Gomme go goeletša go bale ba ba sa lokago, “Tšhabelang go Morena, ka gore ke Yena Leswika mo nageng e lapilego! Ke Boširelo mo nakong ya ledimo. Gomme Leina la Morena ke Sebo se Maatla, gomme baloki ba tšhabela ka go Lona gomme ba phologa.” Re ka kgona bjang go nagana ka ditoropokgolo tše kgolo tšela di agiwa, tša botšhabelo, gomme ge morakediši . . . ka morago ga monna gomme o tsene ka go se—se sebo, o be a bolokegile, ga se gona se kgonnago go mo kgwatha. O Modimo, a nke re kitime le go hlaganela go Morena, ka gore ke Yena Setšhabelo sa rena le Maatla a rena, le yona thušo ya bjale mo nakong ya mathata. Kafao, ka go boneng ka leihlo la ntšhu, bjalo ka ge go bile, bothata bo tsupologa, maru a tokologa,



medumo le legadima la kahlolo di rwele fase godimo ga lefase, re a tseba gore ledimo le batametše.

<sup>42</sup> Bošegong bjo, Morena, re rapelela ba fa bao ba phagamišitšego diatla tša bona. Ga ke tsebe se ba se nyakilego, Tate, Wena o a dira. Ke a rapela gore O tla fa se sengwe le se sengwe go disoulo tša bona tše bohlokwa, gore tlhaloso ka morago ga seatla sela se emišweditšweng. E fe, Morena. Fodiša balwetši. Homotša ba ba lapilego. Efa lethabo go bagatelelwa. Efa khutšo go ba lapilego, dijo go ba swerwego ke tlala, seno go ba nyorilwego, lethabo go ba nyamilego, maatla go kereke. Morena, tliša Jesu magareng a rena bošegong bjo, ge re lokišetša go ja selalelo se se emetšego mmele wa Gago o robegilego. Re a rapela, Morena, gore O tla re etela ka tsela ya go ikgetha.

<sup>43</sup> Šegofatša phuthego ye nnyane ye, modiša wa yona wa go ratega, Ngwanešu Neville wa rena le lapa la gagwe, le matikone, bahlokomelaphahlo, le motho yo mongwe le yo mongwe yoo a lego gona. Šegofatša ba bangwe, Morena, gohle go rarela lefase, bao ba letilego ka lethabo bakeng sa go tla ga Morena, mabone a tšhumilwe, le ditšhimele di pholetšhitšwe gohle, gomme Seetša sa Ebangedi se phadima ka mafelong a leswiswi.

<sup>44</sup> Bjale, nthuše, Morena, ka mantšu a se makae a. Le šegofatše ge re Le bala, gomme o re fe bokamorago, ka gore re e kgopela ka Leina la Jesu. Amene.

<sup>45</sup> Bjale re ka phutholla ka Pukung, go tema ya 6 ya Mokgethwa Johane, gomme go tla ba gabotse ge yo mongwe le yo mongwe wa rena a bala temana ye ka moka ge re ile gae. Ke tla rata go bala, go thoma ka temana ya 47, tlase go ya go ya 59, go akaretša, feela bakeng sa tsela ya go aga sehlogo go thuto ya: *Selalelo*.

Jesu a bolela bjale, mo monyanyeng. E be e le nako ye kgolo, menyanya ye e be e le. Ba nwele meetse go tšwa leswikeng, go emela Leswika leo le bego le le ka lešokeng. Gomme ba jele, ka gore mana ao a welego mengwaga ye mentši ye lekgolo kgale, go segopotšo. E be e no ba monyanya wa paseka, bjalo ka ge re ne bošegong bjo.

*Ruri, ruri, Ke re go lena, Yo a dumelago go nna o na le bophelo bjo bosafelego.*

*Ke nna borotho bjola bja bophelo.*

*Botataweno ba jele mana ka lešokeng, gomme ba hwile.*

*Bjo ke borotho bjo bo fologetšego tlase go tšwa legodimong, gore motho a je go bjona, gomme a se hwe.*

*Ke nna borotho bjo bo phelago bjo bo fologetšego tlase go tšwa legodimong: ge motho a eja borotho bjo, o tla phela go ya go ile: gomme borotho bjoo Ke bo fago ke nama ya ka, ye Ke e fago bakeng sa bophelo bja lefase.*

*Bajuda kagona ba ngangile makgatheng ga bonabeng, ba re, Monna yo a ka kgona bjang go re fa nama ya gagwe go e ja?*

*Ka gona Jesu o rile go bona, Ruri, ruri, Ke re go lena, Ntle le ge le eja nama ya Morwa wa motho, le go nwa madi a gagwe, ga le ne bophelo ka go lena.*

*Mang le mang a jago nama ya ka, le go nwa madi a ka, o ne bophelo bjo bosafelego; gomme Ke tla mo tsoša mo letšatšing la mafelelo.*

*Ka gore nama ya ka ke nama ya kgonthe, le madi a ka ke seno sa kgonthe.*

*Yo a jago nama ya ka, gomme a nwa madi a ka, o dula ka go nna, le Nna ka go yena.*

*Bjalo ka ge Tate yo a phelago a nthomile, gomme Ke phela ka Tate: go bjalo yoo a jago nna, le yena o tla phela ka nna.*

*Bjo ke borotho bjo bo fologetšego tlase go tšwa legodimong: e sego bjalo ka ge botataweno ba jele mana, gomme ba hwile: eupša yo a jago. . . borotho bjo o tla phela go ya go ile.*

*Dilo tše go boletše yena ka senagogeng, ge a be a ruta ka Kaperenaume.*

<sup>46</sup> A nke Morena a šegofatše Lentšu la Gagwe. Ke nyaka go, feela lebaka la metsotso e se mekae, go bolela ka: *Selalelo*. Na lentšu le *selalelo* le ra eng? *Go bolela* go ra go “boledišana.” Go ba le. . . *Selalelo* ka kgonthe se ra “go ba le kopanelo seng, go boledišana.” Ge o bolela mo mogaleng le yo mongwe, le swere poledišano fale, le a boledišana seng. Gomme ge re swanetše go boela ka thoko le go emela morago ka morago ga moago, motho ka motho e ka ba mang le modiša, goba batho e ka ba bafe ba babedi, ba a boledišana seng.

<sup>47</sup> Bjale, ga le boledišane ka seyalemoya, ka gobane ga o kgone go bolela morago, goba thelebišene. Eupša ge. . . Le ka kgona ka mogala, ka gobane le a boledišana seng, ga e no ba lehlakore le tee. Ke. . . Ga ke kgone go boledišana le lena bjale, ka gobane ga le bolele morago. Kafao, kagona, go ka se swanele go kwa modiredi a tliša molaetša wa gagwe. Seo e ka se be, go tlang mmogo, go boledišana. *Selalelo* e ka se be seo. Ge le etla feela go boledišana le modiredi, le tla mmiletša ka thoko, goba motho ka motho e ka ba ofe, gomme wa boledišana le yena goba yena.

<sup>48</sup> Eupša go se re tlogo ka go sona, *selalelo*, ke go yo mongwe le yo mongwe wa rena bjalo ka motho ka motho go boledišana le Kriste. Seo ke poledišano. Gona, poledišano ga se gohlegohle yo *motee* a dira polelo, rena re dira polelo yohle, eupša go leta le go bona se A se bolelago morago go rena.

49 Bjale fao ke moo, dinako tše dintši, gore re dira diphošo tša rena tše kgolo, ke, re dira polelo yohle gomme ra se lete le go Mo fa sebaka go araba morago. Re a ya dinako tše dingwe, ra re, “Morena, ke tla rata gore Wena o dire *bjalo le bjalo le bjalo le bjalo*, amene,” gomme ra emelela le go tloga. Bjale, seo ka kgonthe ga se poledišano. Seo ke go ya le go kgopela kgaogelo. Eupša ge o dula botelele go lekanela go fihlela A araba morago, seo ke ge o hwetša selalelo, go boledišana le Morena. Bjale, gomme mkgwa wo mogolo go boledišana, ke go dumelelana, le swanetše go dumelelana godimo ga dilo tše rilego. Bjale, gomme go a tlabo gore dinako tše dingwe ge re fihla go dilo tšela . . .

50 Go ja go sepedišana le gona. Bjale, o tšea batho ba kgwebo, ge ba nyaka go dira kwano ya kgwebo, ba tla laletša yo mongwe ntle mateneng. Gomme ka morago ga ge ba dutše fase le go ja, gomme ka gona ba a boledišana. Morekiši yo mokaone, gantši ga a bolele le motho ka mpa ye e se nago selo. Go kaonekaone go leta go fihla a ikwela gabotse, gomme gona ka morago ga go ba le difihlolo tša gagwe. O se ye godimo fale le go mo tsoša malaong gomme wa mmošša ka ga se sengwe o swanetšego go mo rekišetša, eupša leta go fihla a eba le difihlolo tša gagwe gomme—gomme a dutše gabotse ka seemong.

51 Letšatši le lengwe, ke rera ka mosadi yola a hlapišitšego maoto a Jesu, godimo ka Canada ke be ke bolela se, ke bolela gore ge moeng a tllile go etela motho yo mongwe, motho yo o bile le ditshepidišo tše rilego a swanetšego go di feta pele ka nnete ba ikwetše ba loketše go tla go etela goba go boledišana. Ketelo ke poledišano. Bjale, ba be ba tla tla go . . . Laleditšwe, sa pele o swanetše go be o laleditšwe. Gona o tla tla go lebati gomme mohlapiši o tla go hlapiša maoto, ka gobane leeto, o bile le monkgo wa di—wa di diphofole le go ya pele go bapa tsela. Bohle ba . . . batho ba sepetše tsela ya go swana le diphofole, gomme—gomme ka gona go bile le monkgo le lerole, gomme seaparo sa Palestina se le gogotše gomme le dutše go kudumela ya maoto, le sefahlego moo se bego se khuporolotšwe, le—le mo diatleng. Gomme—gomme ba be ba tla ba swara mo lebating, mohlapiši o be a tla dira, gomme o tla hlapiša maoto a bona. Gomme morago monna yo mongwe o eme fale ka toulo le se—se senkgamonate, gomme ba tla se fafatša senkgamonate se mo diatleng, gomme ba tla se fogohletša ka mkgwa *wo*, le—le go se fogohletša godimo ga sefahlego sa bona, morago ba tšea toulo le go iphomola bonabeng. Seo se tlošitše lerole lohle le monkgo. Gomme se tla ba le se sengwe ka go sona seo se fago go lapološa, bjalo ka menthole, gomme se ba dirile ba ikwele bokaone.

52 Ka gona ge ba tsene ka gare, e sego o apere dieta tša goga tša kgale tša lerole, mebata ye mekaone yela, ba tla ba le tše dinnyane, go swana le diramphašane tša ka ntlong, gomme ba tla sepelela ka gare. Gomme morago mo—mo moeng o tla tsena gomme—gomme monggae o tla—o tla ba atla go ba amogela.

Gomme, le a bona, o be o ka se nyake monggae go go atla ge o nkgile gampe. O be o ka se nyake go sepela mo mebateng ge o be o le ditšhila. Gomme morago monggae o tla go atla go go amogela, gomme morago o be o no ba yo mongwe wa lapa.

<sup>53</sup> Gomme, bjale, Modimo o ne dilo tše bjalo. Pele ka kgonthe re le komana bakeng sa selalelo sa Modimo, re swanetše pele re hlapišwe ka meetse a Lentšu. Karogano, meetse a karogano ao a re arogantšhago go tloga go dibe tša rena. Bjale, sa pele, o ka se kgone go bolela le Modimo gomme o ka se kgone go boledišana le Modimo, gomme go ne. . . Sa pele, o swanetše go sokologa bakeng sa se o se dirilego, gobane o ka se kgone go dumela gabotse go fihlela o sokologa, “Morena, swarela gosedumele ga ka.” Le a bona? “Swarela gosedumele ga ka.” O swanetše go sokologa, pele. Gomme, ge o sokologa, gona o. . . dibe tša gago tša morago di swaretšwe, gona o lokela gona bakeng sa kolobetšo. Bjale, gona, O tshepišitše Moya wo Mokgethwa ka morago ga kolobetšo.

<sup>54</sup> Bjale, selo ke, gore, ka poledišanong ye, re hwetša gore go bile le go—go hlapiša maoto le dilo di nyalelanago le seo, gape, go hlapiša maoto a rena, bjalo ka seka sa bohlweki bja Moya wo Mokgethwa.

<sup>55</sup> Bjale, gona, go swanetše go be maikutlo a mmogo. Ge o fapane le monggae wa gago—wa gago, gona le—le ka se kgone go boledišana. Aowa, le—le ka se kgone go e dira, ka gobane o ganetšana le yena. Eupša ge le le kwanong, gona le kgona go boledišana. Kafao yeo ke tsela e lego ge re etla go tafola ya Morena, re swanetše go ba kwanong le Lentšu la Gagwe. Le a bona? Re swanetše re tswalwe gape, Moya wa Modimo ka go rena o re “amene” go Lentšu le lengwe le le lengwe A le ngwadilego, gona re kgona go boledišana le Yena.

<sup>56</sup> Se re naso sa Modimo, ge dipelo tša rena di sa re sole, gona re ne kgaogelo le Modimo. Re a tseba re hwetša dikgopelo tša rena le dillo tša rena, ke ka gobane dipelo tša rena di sa re sole. Bjale, ge Modimo a re botša re swanetše go tswalwa gape, gomme ga se re amogele tswalo ye mpsha, gona re tla ikwa go se dudisege mabapi le go ya, go Mo kgopela e ka ba eng, le a bona, ka gore re a tseba ga se re kgotsofatše dinyakwa tša Gagwe. Selo se nnoši gona ke thapelo ya modiradibe. Eupša re bolela le Yena ge re le ka go kopanelo le Yena, seo se tliša selalelo.

<sup>57</sup> Bjale, se se ra sa selalelo, ke tla rata go hlalosa nakwana ye nnyane. Bjale, re tšea, se re se bitšago *selalelo*, ke borotho le beine. Bjale, seo se bile go se emelwe gabotse go fihla ebile ga go botse go bolela ka sona. Oo, ka fao seo se bilego go se emelwe gabotse tlase go kgabola mengwaga! Seo ka kgonthe ga se selalelo, seo e no ba go boloka taelo. Le a bona? Bjale, lebaka re se bitšago selalelo, ke ka gobane se tšwa go go amanywa ga Katoliki gwa go beng “Holy Eucharist, yeo ka sebele e rago

mmele wa Morena Jesu.” Eupša ga se mmele wa Morena Jesu! E no ba segopotšo sa mmele wa Gagwe.

<sup>58</sup> Ga ke kgathale ke baprista ba bakae goba bareri, goba e ka ba mang a šegofatšago seo, e sa no ba borotho le beine. Ga go ne moprista ge re . . . ba a re botša, gore, “Modimo o tlamegile go theetša moprista ge a fetola selalelo,” se ba se bitšago selalelo, “Eucharist, go beng mmele wa sebele wa Morena Jesu. Morago modumedi o tšea sela, gomme seo ke selalelo.” Yeo ke phošo!

<sup>59</sup> *Go boledišana* ke “go bolela le, go boledišana le, se sengwe seo o kgonago go bolela le sona gomme se tla bolela morago le wena.” Seo ke go boledišana. Senkgwa ga se kgone go bolela morago. Kafao, ka kgonthe, selalelo sa kgonthe ke Moya wo Mokgethwa o bolela morago. Ge o Mo kgopela, ka gona O bolela morago, seo ke selalelo sa kgonthe. *Se* ke segopotšo, go tšea . . . sa go bapolwa ga Gagwe le tsogo ya Gagwe, gomme e sego selalelo. Re se bitša seo, eupša ga se sona. Se tšwa go kereke ya Katoliki, ya go tšea senkgwa bjalo ka ge re e kgabotše letšatši le lengwe ka go tshepedišo, le go bolela ka yona go *Bohetene Kgahlano le Bokriste*.

<sup>60</sup> “Ka fao gore senkgwa se se sennyane se sa nkgokolo ke mmele wa sebele wa Kriste.” Bjale, kereke ya Katoliki e dumela seo. A le kile la lemoga, go feteng kereke, ba ithalagantšha, ba betha dikefa tša bona, le go ya pele? Ga se kereke, ke senkgwa sela ka fale, “mmele wola woo moprista a o fetotšego go tloga go senkgwa go ya go mmele wa sebele wa Kriste,” moo magotlo le magotlo a kgonago go se rwalela kgole. Gobaneng, ga le, ga le nagane ka monagano wa setho gomme la nagana gore seripa sa borotho se tla ba mmele wa Morena Jesu! Se ka se kgone go ba.

<sup>61</sup> *Selalelo* ke “go bolela, gomme se bolela morago, se sengwe seo o se boledišago.” Lona lentšu *go boledišana* go ra “go bolela le,” goba, “go amana le se sengwe seo se bolelago morago le wena.” Gomme Modimo o bolela morago le wena, selalelo. Gomme e sa le borotho le beine, seo re se bitša *selalelo*.

<sup>62</sup> Bjale, Jesu o boletše mo, bjalo ka ge ke badile, “Mmele wa Ka ke nama le seno, Madi a Ka, mmele le Madi ke nama le seno.”

<sup>63</sup> Bjale, re nyaka go nagana ka Jesu le go Mo amanya, se A bilego. Mmele wa Gagwe ke eng? Mmele wa Kriste ke eng? Ke mmele wa badumedi bao ba amanywago le Yena ka Moya wo Mokgethwa. E sego modingwana, e sego seripana sa borotho, eupša Moya woo o lego ka pelong ya modumedi, gomme ba amanywa mmogo, gore ge motho le Modimo ba kgona go boledišana seng, barwa le barwedi ba Modimo. Motho yo a hwago, ka go tšhollwa ga Madi ka go tlošweng ga dibe, gomme monna yo le Mosadi yo, mošemane goba mosetsana, yoo a nago le kopanelo le Kriste, o boledišana le Yena, mmele.

<sup>64</sup> Bjalo ka monnamogatša le mosadimogatša ba tla dula fale le go e boledišana, goba mošemane le lekgarebe la gagwe, Kriste le

Kereke ya Gagwe ba boledišana mmogo. Ke lebaka leo re kgona go kwa go tšwa go Yena, le go bona bokamoso pele bo fihla fa, le go kgona go bolela bokamoso gore bo phethegile, ka gobane re boledišana le Modimo Yo a swerego Bokagosafelego ka seatleng sa Gagwe. Go boledišana seng, Mmele wa Kriste, wa sephiri, Mmele wa Kriste wa semoya. E sego go amanywa le mohuta ofe wa modingwana, goba borotho goba be—be beine, eupša se—se sebopego sa semoya.

<sup>65</sup> Bjale, Jesu o boletše selo sa go swana. O tšea Mokgethwa Johane, tema ya 4, a bolela le mosadi mo sedibeng, o be a bolela ka selo bjalo ka, “Botatawešu ba nwele mothopong wo, le go epa sediba se, Jakob, gomme—gomme o file go bana ba gagwe le dikgomo tša gagwe, meetse a, gomme Wena o re, ‘Rapelang ka go toropokgolo ye e rilego,’ gomme ba bangwe ba re ‘Mo thabeng ye.’”

<sup>66</sup> Jesu bontši bjoo—bjoo a boletšego, “Feela motsotso! Rena re Bajuda, gomme re kwešiša se se lego, se go rapela go se rago. Eupša theetša se, mosadi. Iri e etla, gomme bjale ke yona, yeo barapedi ba therešo ba tla rapelago Modimo ka Moya le ka Therešo. ‘Lentšu la Gago ke Therešo.’ Gomme Tate o nyaka ba ba bjalo bao ba tla Mo rapelago ka Moya le ka Lentšu, Therešo. ‘Lentšu la Gago ke Therešo.’” Bjale, O boletše seo go mosadi.

<sup>67</sup> Le a bona, Kriste. . . Modimo ke Moya. *Kriste* go ra gore “yo a tloiditšwego, motho yo a tloiditšwego ka Modimo,” se se Mo dirile Kriste. Bjale, Kriste o rile, “Ke nna Sejo le Seno.” E sego senkgwa, e sego senkgwa seo re se tšeago fa. Seo ga se Kriste. Beine yeo re e nwago mo aletareng, ga se Kriste. E emela Yena, ka tsela ya seka. Eupša Kriste ke Moya wo Mokgethwa, tlotšo yeo e lego godimo ga Kereke, yeo ke Sejo le Seno.

<sup>68</sup> Sello se segologolo se e lego gona ka lefaseng lohle, ke a holofela ga go o tee wa lena a kilego a kwa ka ga yona, eupša, ge o kile wa ke, ga go ne sello go lekana sello sa tlala. Ge o bona mme le lesea la gagwe, gomme ga a kgone go sepela o fokola kudu, gomme lesea le lennyane le a hwa, ka dimpana tša lona di kokomogile ka tlala, go kwa yona metsetlo e etšwa go pelo ya mme yola, go bona lesea lela ka dithangwana di sobeletše ka gare go fihla di le letlalo le marapo, gomme marinini a lona a mannyane a phadima, gomme ga a kgone go dira lešata, go thata, mahlo a gagwe a mannyane a ile ntle. Ga go ne sello boka sello sa tlala le lenyora.

<sup>69</sup> Ntle ka maganateng, ke monna ba bakae bao ba lahlegetšwego ke maphelo a bona go tšwa go lenyora! Dikanegelo tše dintši, tšeo nka go le swarelela bošego bjohle, tša dikanegelo tša therešo tša leganata. Ka fao gore ge o fihla. . . o nyorwa, ka fao diabololo a fago mi—mi miratše. Le e bone fa, ga se le swanele go ya Bodikela go e bona. Eya tlase mmileng, gomme go bogega o ka re go ne meetse tlase tseleng. Yo mongwe le yo

mongwe wa lena o bone ao, ke mosepelo gomme go tselalephefo. Yeo ke miratše wa maaka. Fa nako ye nngwe ya go feta, e ka ba mengwaga ye meraro goba ye mene ya go feta, ke badile moo mapidibidi a mangwe, a fofa go putla naga, a bone miratše gomme a wela mo mmileng, a nagana a betha ka meetseng. Gomme a nno rathagana, a betha mmila ka maatlā, a nagana a be a kotama ka meetseng, miratše.

<sup>70</sup> Ke makga a makae diabolō a dirilego selo sa go swana go batho, a ba fa miratše ya maaka, moo, ga go ne selo fale, eupša e no ba maitirišo. Batho ba bantši kudu lehono ba ba le borapedi bja maitirišo, ba leka go bopa se sengwe goba ba itiriša go ne se sengwe mola go se bjalo! Boka mosadi yo monnyane wa moromiwa a boletše gore o letile go fihlela a ne kgonthe. Bokaone re dire seo. O ka se kgone go bowa morago le go e leka gape. O ne sebaka se setee, gomme o swere Polane, kafao bokaone re ye thwi tlase go mmaraka.

<sup>71</sup> Sello sa tlala, theetšang, ke sello se segolo gobane ke sello sa tlalelo. Motho o a hwa. Gomme, oo, ge re ka kgona go fihla go lefelo lela, ge setšhaba se se ka kgona go fihla go lefelo moo se ka go swarwa ke tlala bakeng sa Modimo! Se ka tlaleng ye mpempe go feta ditšhaba boka India yeo e hwago ka tlala nameng, setšhaba se se hwa ka tlala semoyeng. Eupša ka morago ga ge o swerwe ke tlala nako ye telele bjalo, go fihla go lefelo ga o tsebe o swerwe ke tlala.

<sup>72</sup> Feelā go swana le go gatsela. Ka morago ga ge o fihlile bokgole bjalo, go gatsela, o kwa go tonya kudu, ka gona ka morago ga nakwana o kwa go huthumela. Gomme ge o dira, o a hwa! Gomme seo ke se e lego taba bošegong bjo. Dikereke di fihlile go tonya bjalo go fihlela di gatsela, gomme ba nagana gore ba a huthumela, ka boleloko, gomme ba a hwa semoyeng. Ba a hwa! Ga ba e tsebe. Mafelelong, o lala fase go robala, gomme seo ke sohle sa yona. Ga a sa tsoga le neng, gobane madi a gagwe a gatsetše ditšhikeng tša gagwe.

<sup>73</sup> Bjale, go nyorwa. Jesu o rile, “Madi a Ka ke seno sa kgonthe.” Ge o swerwe ke tlala bakeng sa bophelo, o swerwe ke tlala bakeng sa bophelo, Jesu o ne meetse a nnoši ao a kgonago go timola lenyora leo. “Etlang go Nna, lena bohle bao le šomago gomme le imetšwego.” Godimo ka go Kutollo, E rile, “A nke yena yo a nyorilwego a tle go methopo ya meetse a Bophelo gomme a nwe ka go lokologa.” Ge o nyoretšwe Bophelo!

<sup>74</sup> Re a bona gore batsebadinaledi ba bolelelapele, nako ye nngwe ka go karolo ye ya mathomo goba karolo ya pele ya kgwedi, go thoma ka ya bobedi goba ya bohlanō, goba felotsoko go bapa kgwedi ye, batsebadinaledi ba Maindia ba bolelelapele lefase le tla rathagana ka diripana. Gomme dikuranta tša Amerika di dira metlae ka yona. Ga ke nagane lefase le ya go rathagana ka diripana, eupša ke re ke phošo go dira metlae ka

yona. Gobane, se sengwe se lokela go direga le lengwe la matšatši a, se sengwe go swana le seo, ge dipolanete tše tlhano, Mars, Jupiter le Venus, le—le go ya pele, di etla ka go ya tšona—ya tšona. . . Ga se nke ba ke ba e dira. Oo, ba tleleima mohlomongwe mengwaga ye dikete tše masomapedi tlhano ya go feta, eupša ke mang a bego a le morago fale go e tseba?

<sup>75</sup> Ke bolelelapele gore se se ne tirišo ya semoya. Ke a dumela ke go tleng ka gare ga taba ya Modimo, gore dikutollo tše kgolo tša Lentšu di tla bulwa mo nakong ye. Ellelwang, ba tleleima e bile dinaledi tše tharo di tlile ka go diopiti tša tšona ge Jesu a belegwa. Gomme ye ke tlhano, gomme tlhano mogau, ke palo ya mogau. Tharo ke palo ya phethagalo. Tlhano ke palo ya mogau, J-e-s-u [Ka Seisimane: J-e-s-u-s—Mor.], m-o-g-a-u, t-u-m-e-l-o, [f-a-i-t-h] go ya pele. Palo ya mogau! Modimo a ke a romele maatla a Gagwe go kereke, e tla ba mogau wa Gagwe, e ka se be go obamela ga batho. Gomme Jesaya o rile, ka go tema ya 40, bjang go “llela Jerusalema, gore ntwā ya gagwe e fedile,” efela o be a ne molato wa go rapela medingwana, eupša e bile mogau wa Modimo woo o bego o e romela. Modimo o romela eng kapa eng go rena, e tla ba mogau wa Gagwe gomme e sego go kgona ga rena. Kafao, e ka no ra se sengwe. Ke bolelelapele gore go tla ba le phetogo. Ga ke tsebe se e tla bago, eupša ke a dumela se lokišetša go direga. Re mo go. . . thwi mo go pele ga yona bjale.

<sup>76</sup> Gomme ge motho e ka ba ofe a swarwa ke tlala, a a tle go Kriste. Ge motho e ka ba ofe a nyorilwe, a a tle go Kriste. O timola lenyora. Ke Mokgotsofatši wa lenyora le tlala yohle ya rena.

<sup>77</sup> Ke bile le kanego yeo ke e anegetšwego nako ye nngwe ya go feta. Nka no be ke e anegile ka kerekeng ye. Ge ke dirile, le ntshwareleng go e bušetšeng feela go betha lefelo. Go bile le mohlali wa Moindia, goba, mohuta wa mookamedi wa Maindia. O be a sepela nageng ya Manavajo, gomme o be a timetše. Leina la gagwe e be e le Coy. Gomme o be a latela mohlala, mohlala wa diphoofolo, gomme o naganne, “Bjale, ge nka tšea mohlala wo, ka kgonthe ke tla hwetša meetse.” Gomme pere ya gagwe e be e nyorilwe kudu go fihla leleme la yona le lekeletše ntle, le omile, dinko di fetogile bohudedu gomme di tswakane le santa. O be a ile a swara sakatuku sa gagwe godimo ga sefahlego sa gagwe ka go ledimo la santa go fihla se be se tswakane gohle, gomme o be a ehwa, bakeng sa meetse. Gomme o be a hlhla pere ya gagwe ge a tla hwetša mohlala. Gomme o rile, ge a namela pere o bone mohlala wo wa diphoofolo, o rile, “Ka kgonthe o tla nkiša meetseng.” Kafao o tabogetše saleng ya pere ya gagwe gomme a theoga ka mohlala.

<sup>78</sup> Gomme pere e tsebile le yona e be e le mohlaleng go ya meetseng. Ka fao Modimo a fago sekwitlhahlo go phoofolo ya semuma! Gomme e latetše mohlala. Mafelelong, e se mekae e tepogetše thoko go lehlakore le letee, feela e se mekae go tloga tseleng ya nnete. Pere e nyakile go tepogela ka tsela yela, eupša



Coy o naganne go fapana. O lekile go e boloka ka go mohlala wo mogolo wa go swa, gomme o theogetše tlase gomme pere ga se e nyake go sepela. O e hlohleditše, gomme ya dupelela gomme ya thomiša tsela ye nngwe. Gomme e thomile go tsogologa. E be e fokola kudu go ka mo raga.

<sup>79</sup> Kafao o thomile go goga diotledi go yona gape, go fihla a sega pere, a thantshetše gagolo go fihla meetseng, bophelo bja gagwe bo tla bolokwa, go fihla pere e ema, e roromela, e etšwa madi. Gomme o lebeletše fase, o lebeletše fase fale, o be a roromela ka mokgwa wola gomme o nyakile a wela ka tlase ga gagwe. O mo lebeletše, gomme o bone madi ka lehlakoreng la gagwe. O be a le Mokriste. Gomme o rile go pere ya gagwe, o rile, “Ke be ke fela ke ekwa gore tša lešoka . . . goba, diphoofolo di na le sekwitlahlo. Ga se go bonale ka tsela yela gore sehlopha se sennyane nthatana se tepogetše ka tsela yela se tla be se eya meetseng. Go bonala eke tsela ye kgolo ye e tla leba go moo ba yago meetseng kgafekgafe.” Eupša o rile, “Ge o ile wa nthwala go botega bokgole bjo, ke tla latela sekwitlahlo sa gago.”

<sup>80</sup> Oo, ka fao ke naganago ka seo ka ga Kriste! Tsela go ya tshenyegong e tagile le go swa tsela yohle, eupša go ne mmila wo mosesane woo o išago Bophelong. Ba nene ba tla ba go gona bao ba E hwetšago. Feela, e sego sekwitlahlo, eupša Moya wo Mokgethwa o tla go tepogiša ka thoko go ya meetseng a Bophelo. Ke a nagana, O ntlhišitše go bolokega bokgole bjo, ke tla O tšea tseleng ka moka.

<sup>81</sup> Go fetša kanegelo, ga—ga se a sepele seripa sa maele, go fihlela, gateetee, pere ya go botega ya phonkgela thwi ka go molete wo mogolo wa meetse. Pere e tsebile se e bego e bolela ka sona, se go bego go se ra ka tsela ya yona ya go hlagiša go mo—mo monamedi. O tsene ka fale. O rile o tšhetše meetse godimo ka go nko ya pere. O itlhapišitše yenamong, o goeditše le go golola, gomme o be a goeletša ka godimo ga segalontšu sa gagwe, gomme a tšhela meetse go theoga mogolo wa gagwe, a goeletša, “Re phološitšwe! Re phološitšwe! Re phološitšwe!” Gomme pere, e enwa, le go roromela. Gomme o lebeletše go lehlakore la yona la madi, le go ngapiwa gohle go tšwa go mebaraka ya seotledi.

<sup>82</sup> Gomme o rile feela nako yeo, o rile . . . o kwele yo mongwe a re, “Etšwa ka meetseng.” Gomme o lebeletše, gomme go be go le lekhapoi le lennyane la go šekama le eme fale. Gomme o tšwile ka meetseng. Gomme o rile o dupeletše mollo, gomme o lebeletše godimo, gomme go be go le sehlopha sa banna se kampile fale. Ba be ba le godimo ka diaparo tša go hlola. Ba be ba hweditše gauta tsoko, gomme tseleng morago ba bile le dipere tša bona le dipere tša go rwala mmogo, gomme ba tla go molete wo wa meetse gomme ba be ba khutša, gomme bohle ba be ba tagilwe.

<sup>83</sup> Gomme ba rile ba be ba apeile nama tsoko ya phoofolo, gomme o ile a ja le bona. Gomme o rile, yo mongwe wa bona

o rile, “Tšea seno.” O ba boditše o be a le mang, o be a le Jack Coy, mo—mo mohlahlhi wa Moindia. Kafao o rile, “Gabotse, bjale, tšea seno.”

O rile, “Aowa,” o rile, “ga ke nwe.”

<sup>84</sup> Gomme seo ke mohuta wa lehlapa go bona batho. Kafao o rile, “O tla tšea seno go tšwa go rena!”

O rile, “Aowa, ga ke nwe.”

<sup>85</sup> Kafao o lahletše tšeke godimo, gomme o rile, “Tšea seno!” Ba tagilwe, bohle ba bona, le a tseba, e ka ba seripa sa tasene.

Gomme kafao o rile, “Ke a leboga, bašemane.”

<sup>86</sup> O rile, “Ge nama ya rena ya phoofolo e lokile go lekanela go lewa, wisiki ya rena e lokile go lekanela go nwewa.”

<sup>87</sup> Gomme le a tseba ka fao ba lego, matagwa. Gomme o rile, “Aowa,” o boletše.

<sup>88</sup> Gomme ba lahletše šele ka roborolong, gomme o rile, “Bjale o tla nwa goba e sego bjalo!”

<sup>89</sup> O rile, “Aowa. Aowa, nka se nwe.” Gomme o thomile go nepa raborolo. O rile, “Feela nakwana.” O rile, “Ga ke boife go hwa.” O rile, “Ga—ga ke boife go hwa.” O rile, “Eupša ke—ke nyaka go le botša kanegelo ya ka pele ke dira, lebaka ke sa nwe.” O rile, “Ke Mokentuckian.” O rile, “Gomme ka go ngwakwana wo monnyane wa dikota mosong wo mongwe, moo mme a robetšego a ehwa, o mpileditše go lehlakore la malao a gagwe, gomme o rile, ‘Jack, tatago o hwile le dikarata ka seatleng sa gagwe, go putlaganya tafola, a tagilwe.’ Gomme o rile, ‘O se tsoge wa nwa, Jack, e ka ba eng o e dirago.’ Gomme o rile, “Ke beile diatla tša ka phatleng ya mme wa ka. Gomme ke tšhepišitše Modimo, bjalo ka mošemane wa bogolo bja mengwaga ye lesome, nka se tsoge ke tšere go nwa ga ka ga mathomo.” O rile, “Ga se nke ka ke ka go tšea.” Gomme o rile, “Bjale ge o nyaka go thunya, e no thunya.”

<sup>90</sup> Gomme ge setagwa se emiša raborolo ya sona le go lahlela tšeke godimo gape, o rile, “E tšee goba ke tla thunya!” Gomme feela nako yeo sethunya se galagetše gomme tšeke ya thunya.

<sup>91</sup> Go ema ka thoko ya leope e be e le mošemane yo monnyane wa lekhapoi wa kgale, a šekame, ka dikededi di theoga marameng a gagwe. O rile, “Jack, le nna ke tšwa Kentucky. Ke dirile tšhepišo go mme letšatši le lengwe, eupša ke robile tšhepišo ya ka.” O rile, “Ke be ke letile go fihla mathaka a a tagilwe go lekanela, gomme ke be ke eya go bolaya sehlopha ka moka sa bona, go le bjalo, ke tšee gauta ye ba e swerego.” O rile, “Eupša ke bile setagwa gomme ke dirile phošo. Eupša,” o rile, “ke ne kgonthe ge sethunya sa ka se dirile malewaneng godimo go kgabola maope a Legodimo, mme o kwele ke saena tiišetšo nka se sa e dira gape.” Gomme fale, ka mogau wa Modimo, o hlahletše batho bale bohle go Kriste, bohle bale ntle fale.

92 Le a bona, go ne se sengwe ka ga meetse, se sengwe ka ga go lapološa. Ntliha ya ka e be e le, go ya meetseng ge o nyorilwe. Go ne se sengwe e se dirago go wena, ke go ya meetseng ge o nyorilwe.

93 Bjale, O rile, “Ke le tlogela le khutšo ya Ka. Ke le fa khutšo ya Ka.” E sego bjalo ka ge lefase le le fa khutšo, eupša ka tsela ye A go neago khutšo. Khutšo ya Gagwe e timola lenyora la rena. Ge re hlologetše khutšo, gona a re lapologeng ka go khutšo ya Gagwe, go tseba gore re ne khutšo le Modimo ka Morena wa rena Jesu Kriste. Ke yena mofi wa Khutšo yeo e timolago lenyora la rena.

94 Temana yeo e rego, “Yena ke Sejo sa nnete le Seno sa nnete.” Ke ne mmara ka wo monnyane fa, temana ya 57, “Sejo sa nnete le Seno sa nnete.” Theetšang se A se boletšego fa.

*Gomme bjalo ka ge Tate yo a phelago a nthomile,  
gomme Ke phela ka Tate wa Ka: go bjalo yoo a jago nna,  
ebile o tla phela ka nna.*

95 Ka mantšu a mangwe, “Tate o Nthomile, gomme Ke phela ka Yena. Gomme motho yo mongwe le yo mongwe yoo a tlogo go Kriste o swanetše go phela ka Kriste.” Oo, nna, ke lena bao, seo ke selalelo. Seo ke selalelo sa kgonthe seo o se hwetšago ge o phela ka Kriste.

96 Bjale, mebele ya rena e hloka sejo le seno tšatši ka tšatši, go phela, mmele wa rena wa tlhago. Ge re sa tšee sejo tšatši ka tšatši le seno, gona mmele wa rena o a fokola. Go ne se sengwe ka go rena seo re swanetšego go ba le sejo. Sejo sa letšatši le letee se ka se fihle go letšatši la go latela. O swanetše go ba le sejo tšatši ka tšatši, go tšiša go ba gona ga gago. O ka phela go feta, eupša o a fokola. Gomme letšatši la bobedi, o sa fokola. Gomme letšatši la boraro, o ba go fokola go fetiša.

97 Gabotse, seo ke nako ye ntši seo re se dirago ka go sekgao sa semoya. Le a bona, tšatši ka tšatši re swanetše go boledišana le Kriste. Re swanetše go bolela le Yena tšatši ka tšatši. Re swanetše go e ruma le Yena tšatši ka tšatši. Paulo o rile, “Ke a hwa tšatši ka tšatši.” Le a bona? “Tšatši ka tšatši, ke a hwa; efela ke a phela, e sego nna eupša Kriste a phelago ka go nna.” Kafao, ge mmele wa gago wa nama o hloka sejo tšatši ka tšatši le seno tšatši ka tšatši, go phela, mmele wa gago wa semoya o hloka Sejo sa semoya, le selalelo le Morena tšatši ka tšatši, go phela. Ee. Jesu o rile, “Motho a ka se phele ka borotho bo nnoši, eupša ka Lentšu le lengwe le le lengwe le tšwilego go Molomo wa Modimo.” Kafao, tšatši ka tšatši re swanetše go ithuta Beibele. Batho ba bangwe ga ba ithute Yona le gatee. Ba bangwe ba E topa makga a mabedi goba a mararo mo ngwageng. Eupša, wa kgonthe, modumedi wa kgonthe yoo ka kgonthe a agilwego semoyeng, o bala Beibele ya gagwe letšatši le lengwe le le lengwe, le go bolela le Morena. Yeo ke nnete. [Ga go na selo lefelong la theipi—Mor.] O swanetše go.

“Motho a ka se phele ka borotho bo nnoši, eupša ka Lentšu le lengwe le le lengwe le tšwilego molomong wa Modimo.”

<sup>98</sup> Bjale, selo se sengwe e lego lebaka le re jago dijo, ke go aga mmele wa rena go ganetša malwetši. Ge o sa je dijo, gomme wa tlogela mmele wa gago go fokola, gona o tsenwa ke malwetši. Malwetši a tla phulega thwi ka go moela wa gago wa madi, gomme fa o ile. Ge madi a gago a se a nona le go hlweka, gabotse, gona bo tla, bolwetši bo tla ya thwi ka go moela wa gago wa madi. Kafao o swanetše go ja dijo tše botse tša phepo go boloka moela wa madi a gago gabotse. Ge o sa dire, o ne aletši go malwetši. Seo ke se e lego bothata ka boati bja Bakriste.

<sup>99</sup> Bjalo ka dimela tša ntlo ya go fiša. Le a tseba, o tšea semela go tšwa go ntlo ya go fiša, o swanetše go se pepetletša. Ga se tsebe seemo sa boso. Ga se tsebe mahlasedi a letsatši le dilo, se be se pipeditšwe le go pepetletšwa. Gomme seo ke se e lego bothata ka ba bantši kudu ba bao ba bitšwago Bakriste, ke dimela tša ntlo ya go fiša. Yeo ke nnete, ba tshwenywa ke khunkhwane ye nngwe le ye nngwe e tšwelelago! Le a tseba, ke feela se—se. . . Ke feela di—di dimela tša go nenenkela tšeo di swanetšego go peitiwa, goba, dimela tša go tswakwa.

<sup>100</sup> Le a tseba, o tšea kgomo ya kgale ya hereford gomme wa e bulela ntle fale phulong, gomme wa bulela le dinakaditelele fale, dinakaditelele yela e kgona go dira tsela ya yona gobane ke tswalo ya setlogo. Eupša o tšea Brangus goba Hereford yeo e lego tswalo ya go hlakanywa le motswako, ke kgomo ye kaone go e lebelela, kgonthe, e none le go phelega, eupša o di bulelela ntle fale, ga di kgone go dira tsela ya tšona. Di tla hwa! Di swanetše go pepetletšwa. Le a bona?

<sup>101</sup> Gomme seo ke se e lego bothata lehono, re ne Bakriste ba go apara bokaone, dikereke tše kgolwane, le bontši bja thu—thu thuto, bontši bja thutamodimo, eupša ba swanetše go pepetletšwa nako yohle, o swanetše go lebelela go kgabola galase ya bona goba ga o bone le gatee. Se re se hlokago ke Bakriste ba tswalo ya kgonthe, ba tswetšwe ka tlase ga Madi a Morena Jesu, bao ba phelago e sego ka thutamodimo ya kereke, eupša ka Lentšu la Modimo, selalelo le Kriste. Lentšu le etla ka go modumedu, mmele wa gagwe—wa gagwe wa semoya o agega. E sego leseba la ntlo ya go fiša!

<sup>102</sup> Go bile le modiredi yo itšego o boletše lehono, ke mo kwele, o boletše seo ka go kgašo, o boletše, gore ge a etla ka nageng, o bile le bothata bjo bogolo bja saenase, gomme ba be ba bolela ka karo. Gomme ba boletše gore ba be ba eya go dira *se le sela*, le go sega go yena le go dira karo, le go ntšha karolo ya dithaka tša saenase, se se tla sobeletšago sefahlego sa gagwe ka gare, le go ya pele ka mokgwa woo. Gomme o rile o tšere dipilisi ka mokgobo. Go bonagetše eke go bile le dipilisi tše dintši kudu tšeo a swanetšego go di tšea. Eupša ge a etla go ngaka ya go loka ya Mokriste, ngaka

e rile, “A re lebale ka dipilisi gomme a re lebale ka karo, gomme a re age mmele gore o kgone go ganetša bolwetši bja disaenase.” Yeo ke yona!

<sup>103</sup> Bothata ke eng gore batho ga ba sa phela botelele bjalo ka ge ba be ba dira? Re swanetše go hlanelwa bakeng sa se le go hlanelwa sebakeng sa *sela*, le go ipeita renabeng gohle ka mehuta ya dihlare. E dira eng? E re dira re be ba boleta, go nona, maphosophoso, go hloka mohola. Ge monna wa kgalekgale. . . Gobaneng, re ne aletši go se sengwe le se sengwe. Bjale ba ba le diganetša aletši le se sengwe le se sengwe gape.

<sup>104</sup> Ke eme ka Afrika, ga se ke kgone go hlanelwa malaria. Eupša monang wa malaria o tla tsokama seatleng sa ka, ke be ke tla ba le malaria. Ga e bobole, gomme ga o tsebe selo. E a tsokama, e no tsokama godimo, yeo ke yona, o bile le ona. Ge o phela, o tla ba le ona lebaka la mengwaga ye lesometlhano. Gomme ka gona nako ye nngwe o hwa ka ona. Gomme go be go ne badudibasetlogo bale ka dintlwaneng tša bona, le monang gohle gohle godimo ga maoto a bona, bona ba ponoka. Menang e ba loma, menang ya malaria, gomme ga se e ba tshwenye. Gobaneng? Ba be ba agile moentelo. Ba be ba ne tlhabelo ya go fiwa ke Modimo.

<sup>105</sup> Gomme seo ke se e lego bothata lehono ka batho. Seo ke se e lego bothata ka kereke. Re ne bontši kudu bja go hlanelwa ga masea le thutamodimo ya madirwakemotho, go fihlela re peitilwe gohle. Se re se hlokago ke tlhabelo ya Modimo ka Lentšu la Morena Modimo. Motho o tla phela tšatši ka tšatši ka mohuta wola wa Sejo, go aga soulo ya gagwe ka go tlhabelo go tšwa malwetšing a semoya ao a elelago le go taboga go dikologa naga. Ke ne bontši bja dinoutso ka se, eupša ke ya go swanela go emiša.

<sup>106</sup> Bjale, aga, eba komana bakeng sa tlhabelo. Bjale, re phela ka se, mebele ya rena—ya rena e swanetše go ba le se. Gomme, ge re sa gona re swarwa ke mehuta yohle ya malwetši. Gomme Lentšu la Modimo, bjalo ka ge re Le dumela le go Le amogela ka selalelo, “Morena, Lentšu la Gago ke Therešo.”

<sup>107</sup> “Kereke ya ka e re ga se o swanele go tswalwa gape. Ba re, ‘Go šišinya diatla ke go tswalwa gape.’ Ba re, ‘Go fafatša.’ Ba re dilo tše tšohle tše dingwe, ‘Tšeo ke yona, Tate, Morwa le Moya wo Mokgethwa.’” Eupša Beibele e boletše go kolobetšwa ka Leina la Jesu Kriste. Le a bona? Bjale, le ya pele le go hlanelwa gola ga maitirelo ge le nyaka, o tla itira wenamong Mokriste wa maitirelo. Le a bona? Ga o nyake seo.

<sup>108</sup> O ka se kgone go ba le Bophelo, feela ka Kriste. Gomme bjale ke eng se Lentšu la Gagwe le se dirago? Le aga mmele wa rena wa semoya, go tia, ge re boledišana le Yena, go ganetša diabololo.

<sup>109</sup> O re, “Ngwanešu Branham, ke eng seo o se bolelago, ‘go boledišana ka go Lentšu la Gagwe’?”

<sup>110</sup> Ee, Yena ke Lentšu. “Mathomong go be go le Lentšu, gomme Lentšu le be le le le Modimo, gomme Lentšu le be le le Modimo.

Gomme Lentšu le dirilwe nama gomme la dula magareng ga rena.” Gomme re swanetše go ja mmele wa Gagwe. Gona mmele wa Gagwe ke Lentšu la Gagwe, gobane Yena ke Lentšu. Gomme O rile, ka go Mokgethwa Johane 15, “Ge le dula ka go Nna, gomme selalelo sa Ka, Lentšu la Ka, le dula ka go lena, gona le ka kgopela se le se ratago gomme le tla se direlwa.” Ke lena bao. Yeo ke therešo. Le a bona, kgopelang se le se ratago!

111 Le dira eng? Le aga mmele wa lena go tlhabelo go tšwa go. . . . Yo mongwe o tla ka gare gomme o rile, “Oo, kereke ya rena ga e dumele ka go go goeletša.” Le a bona, le agilwe. Eng? Le ne selalelo ka go lena, Lentšu. Gomme o hlabetšwe go tloga go yona. Ge sehlopha sa ditšiebadimo se etla ka gare, ke eng? Ga se ne Lentšu ka go sona, gona o ne kgonthe se fošagetše. Ga ke kgathale se bogega kgonthe bjang, ge e se Lentšu se tlogele se nnoši. Nnete, se tlogele se nnoši. Ga ke kgathale se e se dirago, e swanetše go bapela le Lentšu!

112 Mo thapelong, bjalo ka ge ke be ke tsopola Mika a eme fale, lebelelang, e bonagetše kgonthe gabotse, ge go be go le Israele, gomme seripa sela sa naga e be e le sa bona. Manaba ale a be a tlile le go e tšea go tloga go bona gomme ba be ba agile dintlo tša bona, gomme ba be ba dutše go karolo ya naga yeo Modimo a ba filego. Kafao e bonagetše eke baprofeta bale ba Bahebere ba makgolo a mane ba be ba rereša. Eupša, le a tseba, go be go ne se sengwe ka ga Josafate e bego e le sa semoya, o rile, “A ga o ne yo mongwe?”

113 O rile, “Ke na le yo mongwe, eupša,” o rile, “ke mo hloile. Selo se nnoši a se dirago ke go profeta bobo.”

O rile, “Eyang le mo tšee gomme a nke re mo kwe.”

114 Gomme o ile godimo, o rile, “Eya pele, eya pele godimo fale, eupša ke bone Israele e šwalalane boka dinku di se ne modiši.” Gomme nako yeo o boletše pono ya gagwe.

115 Bjale, ke ya mang e rerešago? Go bonagetše eke makgolo a mane a be a rereša. Makgolo a mane a monna yo a katišitšwego gabotse, ba re, “Eya godimo, Morena o ne wena.” Gomme ebile le Tsedekia o bile le di—di—di—bile le di. . . Tsedekia o bile le dinaka tše pedi tše kgolo tša tshipi di agilwe. O rile, “Ka tše o tla kgoromeletša manaba ntle ga naga.” O be a ne kgone o be a rereša. O tsebile o be a rereša. Eupša, le a bona, o be a fošitše.

116 Gomme Mika šo, yo motee kgahlanong le makgolo a mane, gomme o rile, “Ge o ka ya godimo, Israele e tla šwalalana, go se ne modiši.”

117 Gomme ba bangwe ba rile, “Eya godimo, Morena o ne nago!” Bjale, ka diphahlo, ba be ba rereša, lefelo e be e le la Israele. Eupša Lentšu la Morena le be le ahlotše Ahaba, kafao Modimo o be a ka kgona bjang go šegofatša se A ilego a se ahlola?

118 Šele e fale lehono. Le a bona? Lentšu la selalelo le be le le ka go Mika. Bjale, ge o boledišana le Modimo ka go tšeeng selalelo sa kgonthe, gomme moya ka go wena o ganetšana le Lentšu le, ga o boledišana le Modimo, o boledišana le bodiabolo. Gomme ba ekiša kudu! Beibele e rile, “Mo matšatšing a mafelelo ba tla nyaka go fora le bona Bakgethiwa ge go kgonega. Eupša magodimo le lefase di tla feta, eupša Lentšu la Ka le ka se ke.” Gomme ge. . . Paulo o rile, Bagalatia 1:8, “Ge morongwa go tšwa legodimong a rera Ebangedi e ka ba efe gape ntle ga Ye yeo le šetšego le e kwele, a nke a be morogakwa.” Ebile le morongwa! Ka go kereke ya pele, ge banna bale, boka Mokgethwa Martin, Irenaeus, banna bale ba bomodimo, ge diabolo a bonagetše boka morongwa wa seetša. Eupša, le a šetša, o tla ba gannyane nthatana go tloga go Lentšu.

119 O bonagetše go Efa bjalo ka morongwa wa seetša, o mmoditše, “Kgonthe, Morena o boletše se, Morena o boletše se,” eupša ga se a kwane le Modimo thwi mo mafelelong. Gomme yeo ke tsela ye selalelo sa maaka se dirago lehono. Ge batho ba nagana ba rapela Modimo, gomme ba se obamele Lentšu, ke selalelo sa maaka.

120 “Ge le dula ka go Nna, gomme Lentšu la Ka ka go lena, gona kgopelang se le se ratago,” le a bona, “gomme se tla dirwa.” Bjale, e no se kgone go ya nako e tee, gomme ya tloga ya go latela. “Le dula ka go Nna, Mantšu a Ka a dula ka go lena,” yeo ke, go dula fale. Go *dula* go ra “go khutša fale, go dula thwi fale.” Ee, ke—ke tlhabelo go tloga go malwetši a sebe.

121 Bjale, a nke ke tswalele ka go bolela lentšu le letee le bjale, pele re eya tafoleng ya selalelo. Madi le Mmele wa Morena, o hlakantšwe le tumelo, yeo ke Madi le Mmele, woo ke Moya le Lentšu, di hlakantšwe le tumelo, e lekana le Bophelo bjo Bosafelego. “Yoo a jago Nama ya Ka gomme a nwa Madi a Ka o ne Bophelo bjo Bosafelego, gomme Ke tla mo tsoša mo letšatšing la mafelelo.” Ke lena bao. Ke eng? Selalelo sa Morena. Lentšu le Moya, Bophelo bjo bo ka Mading, Lentšu le Moya di lekana le Bophelo bjo Bosafelego, ka tumelo go Morena.

122 Thapelo ya ka še, ge ke bona bofelo bo batamela le go bona, mo motsotsong ofe kapa ofe, se sengwe se ka direga, le go tseba gore ga re kgole go tloga go go Tla ga Morena. Morena, gona ka Leina la Morena Jesu, Morwa wa Modimo, a nke ke tšee Lentšu, Tšhoša, gomme ke E šišinye ka tumelo ye ke nago, le go kgaola tsela ya ka go kgabola maatla a mangwe le a mangwe a letimone, go fihla ke bona Jesu, ka selalelo sa Lentšu la Gagwe.

123 Go boledišana ka Lentšu la Gagwe. “Ge le dula ka go Nna, gomme Lentšu la Ka ka go lena, gona Nkgopeleng se le se ratago gomme le tla se direlwa.” Go botse bjang! Go ne selalelo sa kgonthe ka Lentšu le Moya, ka tumelo go E šišinya mmogo,

“Kgotpelang se le se ratago, gomme le tla se direlwa.” A re rapeleng.

<sup>124</sup> Tate Modimo yo Mokgethwa wa Borena le mogau, KE NNA yo mogolo, El Shaddai, go Abraham. O Modimo, ka fao selalelo se segolo se sa Morena se lekanago le Bophelo bjo Bosafelego, le ka fao Se hlabeledago go tšwa go boikgogomošo, ka fao Se hlabeledago go tloga go gosedumele, ka fao Se hlabeledago go tloga go sebe sa lefase! Ke selalelo, ka lerato Kgethwa go Tatewešu wa Legodimong. Gomme ka toko ya Jesu Kriste re ne phihlelelo go tafola ye. Gomme re a rapela, Morena, gore O tla fa yo mongwe le yo mongwe wa rena phihlelelo yeo bošegong bjo, mo Moyeng. Re swarele. Gomme re nyaka mebele ya rena ya semoya go gola. Ga re kgathale ka ga go tšoenana kereke tsoko goba kereke ya leina. Re nyaka go aga mmele wa semoya, go tlhabelong ya sebe, go lefelo moo go sego tlhologelo go dira phošo, le moo Moya wo Mokgethwa o kgonago go tšea Lentšu la Gagwe Mong le dipounama tša rena, le go Le bolela feela bonanana bjalo ka ge Le boletšwe letšatšing lela, gobane Ke Moya wa go swana woo o bego o le ka go Morena Jesu. Ke a rapela, Tate, gore O tla fa woo go rena.

<sup>125</sup> Diiri di a batamela. Feelana neng, ga re tsebe, gore wa mafelelo o tla phološwa. Eupša ke a rapela bošegong bjo, Morena, ge go ne bale fa ba ba sa Go tsebego bjalo ka Mophološi wa bona, a nke ba Go hwetše bošegong bjo ge ba etla go meetse a a kolobetšo, bjalo ka segopotšo, go ipolela go mmele wo wa badumedi gore ba dumela kanegelo gore Jesu wa Natsaretha o belegwe ke Maria kgarebe, gomme o bolailwe, a bapolwa ke Pontose Pilato, gomme a tšošwa ka letšatši la boraro ke Modimo, gomme a dula ka seatleng se setona sa Borena bja Gagwe, bošegong bjo, go phela go ile go dira poelano.

<sup>126</sup> E fe, Morena, gore motho yola wa go swana, go obameleng ditaello tša Beibele, “Sokologang, yo mongwe le yo mongwe wa lena, gomme le kolobetšwe ka Leina la Jesu Kriste bakeng sa go tlošwa ga dibe tša lena. Ka gore ga go ne leina le lengwe ka tlase ga Legodimo le filwego magareng ga batho ka lona le swanetšego go phološwa.” O Modimo, a nke batho ba bone tlhokofalo ya lona, le Lentšu le le tiilego, “Ga go ne leina le lengwe ka tlase ga Legodimo le filwego magareng ga motho ka lona le swanetšego go phološwa, eupša Leina la Jesu Kriste.” Kagona, moapostola o rile, “Sokologang, yo mongwe le yo mongwe wa lena gomme le kolobetšwe ka Leina la Jesu Kriste bakeng sa go tlošwa ga sebe, gomme le tla amogela neo ya Moya wo Mokgethwa. Ka gore tshepišo ke ya go lebaka le lengwe le le lengwe, ba bantši ka fao Morena Modimo wa rena a tla go bitša.” E fe, Morena, gore go tla ba le go pitšo ye ntši bošegong bjo.

<sup>127</sup> Gomme go boletšwe gape, ke Morena wa rena, “Ga go motho a kgonago go tla go Nna ntle le ge Tate wa Ka a mo goga, gomme bohle bao Tate a Mphilego ba tla tla go Nna. Dinku tša Ka di kwa



Segalontšu sa Ka.” Mosetsebje, gomme ge mosetsebje a bolela, segalontšu seo e sego lengwalo, ka pela dinku di tla se lemoga. O Modimo! Gomme ge e le Segalontšu sa Gago, Beibele, se E se bolelago, nku ye nngwe le ye nngwe e tla Se kwa, ka gobane Ke Dijo tša dinku. Bona ba boledišane. Ba tseba ke mohuta ofe wa Dijo Tate a fepago. “Motho a ka se phele ka borotho bo nnoši, eupša ka Lentšu le lengwe le le lengwe le tšwilego molomong wa Modimo.” E fe, Morena, gore ba bantši ba tla bona le go kwešiša, gomme ba tla tla go Wena bošegong bjo.

<sup>128</sup> Bale ntle le Moya wo Mokgethwa, a nke ba se o beele thoko iri ye nngwe. Go ka no ba thari kudu mo iring ye nngwe. Ba ka no se be gona.

<sup>129</sup> Gomme, Tate, bjalo ka ge re kgobokane go dikologa tafola bjale go tšea kemedi ye ya mmele wa Gago o robilwego, re rapela gore ge go ne sebe magareng ga rena, Morena, re swarele. O rile, “Ge le etla mmogo, letelanang seng.” Modimo, ge go ne sebe ka go phuthego ye, kae kapa kae, ke a rapela gore Madi a Jesu Kriste a tla aroganya motho yoo go tloga go sebe sa gagwe, goba mosadi yoo, mošemane goba mosetsana. Gomme, Tate, ke a ithapelela nnamong, gore O tla nkaroganya go tloga go pelaelo ye nngwe le ye nngwe, sebe se sengwe le se sengwe, gosedumele go gongwe le go gongwe, eng kapa eng yeo . . . Re a tseba gore gosedumele ke sebe. Ke sebe se nnoši se lego gona. “Yo a sa dumelego o šetše a ahlotšwe.” Gomme sebe se nnoši se lego gona, ke go se dumele Lentšu la Modimo. Gomme, Tate, ge go ne gosedumele ka go nna, ntshwarele, O Modimo, goo go lego bontši, gomme ke a rapela gore O ntshwarele. Swarela phuthego ya ka yeo O mphilego bošegong bjo, gomme o ba fepe ka Lentšu. E fe.

<sup>130</sup> Gomme ge re tšea digopotšo tše dinnyane tše tša mmele wo o ngwathilwego wa Yena Yo a tšošetšwego go tšwa bahung gomme a phela go ya go ile magareng ga rena, a nke re amogele selalelo go tšwa go Yena, Morena, go boledišana ga Moya wo Mokgethwa. E fe, Tate. Re kgopela ka Leina la Jesu. Amene.

<sup>131</sup> Bjale, go lena ba le swanetšego go sepela gomme le sa kgonego go šalela tirelo ya selalelo lebaka la e ka ba metsotso ye lesometlhano . . . Ga go ne bontši bja rena, gomme re tla tšea selalelo. Ga se selalelo sa ba itšego feela. Ka phethagalo ke sa modumedi yo mongwe le yo mongwe wa Mokriste. Modimo ga a ne mothalo o thadilwe magareng ga Baptist le Methodist, le go ya pele. Rena bohle re, ka Moya o tee, re kolobeditšwe ka go Mmele o tee, gomme re badudimmogo ba Mmušo wa Modimo. Gomme ge go ne yo mongwe magareng ga rena yo a sa tsebjego, ga ke fa gantši kudu, gomme ga ke tsebe ke mang a lego maloko le ke mang a sego. Elelwang, ga go kgathale ke kereke efe o lego wa yona, seo ga se ne selo go dira le yona. Go ne Kereke e tee, go le bjalo, gomme ga o E tšoene, o tswalelwa ka go Yona. Yeo ke nnete. Gomme o tswaletšwe ka go Kereke ye ya Modimo. Gomme re rapela gore o tla amogela Kriste bošegong bjo, wa boledišana

le Yena ge re gopola mmele wa Gagwe o robilwego, le dielemente tše dinnyane tše re di tšeago, tša paseka, gomme a nke Modimo a fafatše dipelo tša rena le letswalo ka Madi.

<sup>132</sup> Bjale ba tla tliša selalelo pele, gomme re tla bala bjale go tšwa go Bakorinthe ba Pele, tema ya 12. Gomme re ya go tšea selalelo ka bjako ka morago ga se, gomme re tshepa gore Modimo o tla le šegofatša ka go fetiša. Morago ka pela ge re badile le, goba feela pele re le bala, ge o swanetše go sepela, gabotse, o ka tšwela ntle gabonolo. Gomme gona wa ba le rena gape Laboraro bošego, le Lamorena mosong le Lamorena bošego. Ge o ka kgona go šala go tšea selalelo le rena, re tla go thabela kudu go dira seo. Kagona ka pela ka morago ga seo, e tla ba Morena . . . e tla ba tirelo ya kolobetšo, ye e tla bago mo e ka bago metsotso ye lesometlhano, goba masomepedi ka bontši, ke a eleletša. Bakorinthe ba Pele, tema ya 11, temana ya 23.

*. . . Ke amogetše go tšwa go Morena seo gape le nna ke le neilego, Gore Morena Jesu bošegong bja go swana . . . bjo a ekilwego o tšere borotheo:*

*Gomme ge a file ditebogo, o bo ngwathile, . . . o rile, Tšegang, gomme le je: wo ke mmele wa ka, wo o ngathilwego bakeng sa lena: dirang se go nkgopola.*

*Ka mokgwa wa go swana gape o tšere senwelo, gomme ge a laletše, o rile, Se ke senwelo sa kgwerano ye mpsha mo mading a ka: dirang se, ka mehla ge le se nwa, go nkgopoleng.*

*Ka gore ka mehla ge le eja borotheo bjo, gomme le enwa senwelo se, le bonagatša pele lehu la Morena go fihla a etla.*

*Kagona mang le mang a sa jago bjo . . . mang le mang a tla jago borotheo bjo, le go nwa senwelo se sa Morena, a se a swanela, o tla ba le molato wa mmele le madi a Morena.*

*Eupša anke motheo a itekole yenamong, gomme kafao a nke a je go borotheo, le go nwa go senwelo.*

*Ka gore yoo a jago gomme a nwa a se a swanela, o ja le go nwa kahlolo go yenamong, a sa hlathe mmele wa Morena.*

*Ke ka lebaka le ba bantši ba a babja le go fokola magareng ga lena, . . . ba bantši ba a robala.*

*Ka gore ge re ka ikahlola renabeng, ga ra swanelwa go ahlolwa.*

*Eupša ge re ahlolwa, re laiwa ke Morena, gore re se tlo timela le lefase.*

*Kagona, baena ba ka, ge le etla mmogo go ja, letelanang seng sa lena.*

<sup>133</sup> Bjale, feela nakwana ya thapelo ya setu bakeng sa yo mongwe le yo mongwe wa rena, nthapeleleng ge ke le rapelela. [Ngwanešu Branham o a khutša—Mor.]


Efa dikgopelo tše, Ramaatlakamoka Modimo. Re swarele dikarogo tša rena bjalo ka ge re swarela bale bao ba senyago kgahlanong le rena. Se re se kgopela ka Leina la Jesu Kriste. Amene.

<sup>134</sup> Diphaselana tše dinnyane tše tšeo e lego borotho bja senkgwa bo dirilwe ntle le komelo, dinoko, le go ya pele, bjo bo emelago mmele wa Morena. Ga se ntikodiko, bo ngwathilwe ka diripana. Ke ka gobane bo ra mmele wa Gagwe wa go ngwathiwa woo ngwathilwego bakeng sa rena. Gomme a nke Modimo a fe ditšhegofatšo tša Gagwe go yo mongwe le yo mongwe yoo a bo jago. Bjale, ga se mmele, bo no emela mmele. Ga ke ne maatla, ga a gona gape a dirago, go bo dira e ka ba eng eupša borotho. Modimo a nnoši. Gomme seo ke se A re boditšego, go ja borotho bjo le go nwa senwelo se sa beine. Bjale a re inamišeng hlogo ya rena.

<sup>135</sup> Modimo yo Mokgethwa kudu, re lego bahlanka ba Gago, ka Leina la Jesu Kriste, hlwekiša borotho bjo bakeng sa modiro woo bo bo nepetšego, go re dira, ge re bo amogela, go gopola gore Morena wa rena o ile a bapolwa; gomme mmele wa Gagwe, wo bohlokwa le wo mokgethwa bjalo ka ge o bile, o ile wa tswakanywa le megogoma le meetlwa le dipikere, bakeng sa rena, gore ka mmele wa Gagwe wa go ela go tšwile Moya woo o re fago Bophelo bjo Bosafelego. A nke rena, Morena, ge re eja bjo, re be le mogau wa go eta, bjalo ka ge Israele e dirile mengwaga ye masomenne ka lešokeng, gomme gwa se be wa sekoka magareng ga bona. Tate Modimo, efa se, ge re rapela O hlwekiše borotho bjo, borotho bja senkgwa, bakeng sa modiro woo bo o nepetšwego. Ka Leina la Jesu. Amene.

<sup>136</sup> Senwelo sa Kgwerano ye Mpsha, Madi. Ke nagana ka pina yela, “Ge e sa le ka tumelo ke bone moela wola dinto tša Gago di elago di fago, lerato la go lopolla e bile morero wa ka, gomme o tla ba go fihla ke ehwa.” Ge ke bona madi a, morara, madi a morara, ke a tseba a emetše Madi ao a tšwilego go tšwa mmeleng wa Morena Jesu. A nke e ka ba mang yo a amogelago a a be le Bophelo bjo Bosafelego, a nke bolwetsi bo huduge go tšwa mebeleng ya bona, a nke molapo le bokoka, kgatelelo, a nke diabolo (ka sebopego se sengwe le se sengwe) a ba tloge, gore ba ke ba be le maatla a magolo le go phelega le Bophelo bjo Bosafelego, go dumelela seetša sa bona go phadima pele ga moloko wo wo mobe le wa bootswa re phelago ka go ona, go tagafatša Modimo.

<sup>137</sup> Tate wa Legodimong, re neela go Wena kenywa ya mobeine. Ka Leina la Jesu Kriste, se hlwekiše, go emela Madi a Morwa wa Gago, Jesu, ka go Ona re ne, “Gobaditšwe bakeng sa dikarogo

tša rena, ka megogoma ya Gagwe re fodile.” Efa, Morena, gore Bophelo bo tla tla go rena, Bophelo bjo Bosafelego ka bontši bjo bogolo, gore re ke re kgone go Go hlankela bokaone, go ba le maatla le go phelega go re rwala go tloga lefelong go ya lefelong moo re letilego go Go hlankela, e ka ba kae O re biletšago. Efa ditšhegofatšo tše ka Leina la Jesu, re a rapela. Amene. 

*SELALELO* NST62-0204  
(Communion)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Febereware 4, 1962, mo Tabarekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)